

গীতাঞ্জলি

১৮

যদি তোমার দেখা না পাই প্রভু
এবার এ জীবনে,
তবে তোমায় আমি পাইনি যেন
সে কথা রয় মনে ।
যেন ভুলে না যাই, বেদনা পাই,
শয়নে স্বপনে ।

এ সংসারের তাটে
আমার যতই দিবস কাটে,
আমার যতই দু'হাত ভরে' ওঠে ধনে,
তবু কিছুই আমি পাইনি যেন
সে কথা রয় মনে,
যেন ভুলে না যাই বেদনা পাই
শয়নে স্বপনে ।

২৯৮

গীতাঞ্জলি

যদি আলস ভরে
আমি বসি পথের পরে,
যদি ধূলায় শয়ন পাতি সযতনে,
যেন সকল পথই বাকি আছে
সে কথা রয় মনে,
যেন ভুলে না যাই, বেদনা পাই
শয়নে স্বপনে ।

যতই উঠে হাসি,
ঘরে যতই বাজে বাঁশি,
ওগো যতই গৃহ সাজাই আয়োজনে,
যেন তোমায় ঘরে হয়নি আনা
সে কথা রয় মনে,
যেন ভুলে না যাই, বেদনা পাই,
শয়নে স্বপনে ॥